


16448

ԱՅՆԿԻՑ ՀԵՐԵ

1916




455

ՍԻՆԵՄԱ-ԿԵԱՆՔ

# ԱՄՈՒՐԻԿԱՆԵՐԸ

ԳՐԵՑ

ՌԱՌԻ-ԲՈՆՉՈՆ



ՏՊԱԳՐ. Զ. ՊԵՐՊԵՐԵԱՆ

91.99

Բ-20

ՎՀ

ՍԻՆԵՄԱ-ԿԵԱՆՔ



# ԱՄՈՒՐԻԿԱՆԵՐԸ

Գ Ր Ե Յ

ՆԱՍԻԼ-ԳՈՆՉՈՒ



2003

ՏՊԱԴՐ. ԶԱՐԵԴ Ն. ՊԵՐՊԵՐԵԱՆ

1916

ՀՅՈՒՅՈՒՆԻ.



## ՐԵՔԼԱՍՏ-ՔՐՈԿՐԱՄ




ԵԱՆՔԸ Երազ մըն է, կ'լսեկինք ատեն մը, խամ-  
րող վարդին, կամ սահող գետակին կը նման-  
ցնեկինք զայն:

Սակայն այսօր, կեանքը ոչ երազ է, ոչ վարդ, ոչ  
ալ գետակ:

Մինչժան՝ ամենանօքրիս բացարութիւնն է որ կըր-  
նայ խորհրդանտել այսօրուան կեանքը:

Եւ մենք այդ սինէժանն է որ կը փորձենք մեր այս  
«ՄԻՆԷՄԱ-ԿԵԱՆՔ» գրեղիկով, որուն առաջին մասը  
կը կազմէ «ԱՄՊԻՐԻՆԵՐԻ», Բ. մասը՝ «ՆՇԱՆԱԾՆԵՐԻ»:  
Եւ Գ. մասը՝ «ԱՆՉԳՈՒԹՆԵՐԻ»:



2014-60

Մեր սոյն սինէման միւս սինէմաներէն սա զերա-  
զանց առաւելուրիւնները ունի:

Նախ որ մեր սինէման բառասուն հոգի կրնայ  
կարդալ մեկ գիրեավ, մինչ ունէ սինէմա, նոյն իսկ լոժ  
առնելով, չորս հոգին աւելիի ներուոծ չէ դիտել:

Երկրորդ՝ մենք ֆիւմը կը բոլունք ընթերցողին, ու-  
զած ատենը յօպուտ իրեն գործածելու. ո՞ր սինէման այս  
առաւելուրիւնը ունի:

Ուրեմն, մարենք լոյսերը եւ սկսինք դարձնել մեմե-  
նան եւ էշերը:

Մաղրեցեք միայն որ ֆիւմը կէս նամբան շիրքի:

ՕԲԷՐԱԹԷՈՐ, ԲԱՅՑ' ՈՉ ԲՐՈՒՐԻՔԵՈՒ  
ՈՍՈՒՆ-ԲՈՆՇՈՆ

Զակագիկ, 1 Յուլիս 1916



## Ա Մ Ո Ւ Բ Ի Ն



ՄՈՒՐԻՆ այն թիվն է, որուն կը նախան-  
ձի կարգուածը, ունեցածին, — յաճախ ալ  
չունեցածին — աչք կը տնկէ աղջիկ ու-  
նեցողը, և որուն գրպանին խերը կ'անիծին ժօրժէթը  
կամ Ֆաթման։ Միայն իրեն պէս ամուրին է որ վրան  
նայելով կը խղճայ։

Հարուստ ըլլայ կամ յետին աղքատ, անպատճառ  
ինքզինքը պիտի մատնէ ամուրին փողոցէն անցած ա-  
տինը։

Ութը ոսկինոց հագուստ մը անցուր կռնակը, ութը  
ժամ չանցած, բանթալօնին մէկ կոճակը ինկած և բաճ-  
կոնը իւղոտած է անպատճառ։

Ոսկի ժամացոյց, շղթայ, արծաթ կոթ գաւազտն,  
քսաներկու այար մատնի մը, չորսուկէսնոց գուլպայ,  
մայեօ գոսթիւմ ներսէն, ֆանթէզի ելիկ, սաթ սիկառ-  
նիկ, արծաթ տուփ սիկառէթի, ևն. որոնք բաներ են,  
զորս ամուրին կարգուած օրը կը նետէ վրայէն, խա-  
ռա շապիկ վարտիկի փոխարէն։

Ամուրին՝ ամուրի ըլլալէ կը դագրի այն օրը, երբ  
այլեւս գերձակին տասնոց մը չի պարտիր։

Աղջիկ մը իր տարիքը այնքան խիստ չի պահեր,  
որքան ամուրին իր կարգուիլը, «չպիսի կարգուիմ» կը  
պօռայ մինչեւ պսակին ժամը :

Ամուրին կը կարծէ թէ՝ բոլոր կիները և աղջիկ-  
ները իր վրայ կը մտածեն. այս է պատճառ որ, ծաղ-  
րանքի ժպիտը յաճախ սէր կը կարծէ .

Ամուրին՝ աղջիկներուն միամիտ ժպիտով մը կը  
մօտենայ, կիներուն՝ տիսուր և անձնուէր հոգիով մը,  
որբեւայրիներուն քով աւելի համարձակ է և գոռոզ,  
խոկ անբարոյ կանանց քով անպատճառ էրիկութիւն  
պիտի ծախէ :

Մէկ խօսքով, խոստում մըն է ամուրին աղջիկնե-  
րու մօտ, խոկ ոստում մը կիներու մօտիկը :

Ամուրին՝ աղջկան մը համար քառասուն փարա  
ծախսե՞ց, չի մոռնար, և արարկիրցի սարաֆի մը պէս  
կ'ուզէ անպատճառ գէթ քառասուն դրուշի օգուտ քա-  
ղել այդ առթիւ :

Ամուրին այնպէս մը քշել կ'ուզէ ինքինքը իրը  
թէ, գլխէն շատ տաք պաղ անցած է, թէ կիներու հո-  
գերանութիւնը կլած է, թէ անոնց սիրտը բաց գիրքի  
մը պէս կը կարդայ. մինչ իրականութեան սէջ իր ամ-  
բողջ փորձառութիւնը՝ ֆաթմային հետ երկու ժամ է  
մէկ քանի գաւաթ պիրայով :

Ամուրին՝ կանանց քով էրիկ մարգիկը զար կը  
զարնէ, խոկ էրիկ մարդոց քով՝ կիներու անհաւատար-  
մութենէն կը ձառէ միշտ :

Բաւական է որ աղջկան մը ձեռքը թօթուած ըլլայ  
պատահմամբ. երբ հարցնէք, կը պատասխանէ, «Պահ,  
ձեռքէս անցած է» :

Ամուրին խենդ կ'ելլայ որ էրիկէն դժգոհ դժբախտ  
կնոջ մը հանդիպի, տէրտէրի մը պէս գիտէ մինիթա-

րել զայն :

Աղջիկները միայն — այն ալ բնազգով — գիտեն  
խերը անիծել ամուրիներուն :

Հարիւրներով կարելի է թուել այն ապուշ ամու-  
րիները, որոնք տարիներով կ'ապրին օրիորդ Առուրի-  
կի մը՝ տասնըհինգ տարեկանին տուած մետաքս մէկ  
թաշկինակը հոտուըտալով, մինչ անդին, հոգ չէ թէ  
նոյն Սուրբիկը կարգուած, տղոց տէր, երջանիկ կին մը  
դարձած ըլլայ, իր անունը խակ չըխելով :

Դպրոցականի պէս սուտ կը խօսի ամուրին, և  
կամսարականի տուփ մը լեցնելու պէս գիտէ ճարտա-  
րօրէն զետեղել սէրերը սրտին մէջ :

Ամուրիին կարգուելու փափաքը ջղային նոպայ է,  
կը բռնէ, թող կուտայ. կարգուեցած մի, կը նշանակէ  
թէ մենէնժիր եղած է խեղճը :

Ամուրին աղուոր նամակներ կը գրէ, եթէ գրել չի  
գիտեր՝ գրել կուտայ, որոնց մէջ միլիօն անգամ կը  
մեռնի :

Ամուրին երբ մեռնի, շատեր զայն կը նմանցնեն  
այն կծծիին՝ որ ունեցածը կծիկ կ'ընէ առանց օգտա-  
կար գարձնելու և կը մեռնի չվայլելով: Սխալ սակայն,  
վստահ եղէք որ ձեռքի տակէ ամուրին շատ լաւ կեր-  
պով գիտցած է գործածել իր ունեցածը :

Ամուրին միշտ վերէն կը նետէ և վարէն կը բռնէ:  
կ'ուզէ՞ք ամուրի մը կարգել, օգտուեցէք իր հի-  
ւանդ պահերէն. հիւանդութիւնը ամուրիութեան բան-  
զինիրն է. միայն թէ ոչ հարրուխը :

Շատ մը միամիտ աղջիկներ կը կարծեն որ իրենց  
սիրածը գիշերներ կը լուսցնէ իրենց վրայ մտածելով,  
մինչ անդին ամուրին մոմին բուփ լսելուն պէս մինչեւ  
առտու կը խռկայ :

Եթէ ամուրիները շատախօս և մեծխօսիկ չըլլային ,  
ու գիտնային քիչ մը գաղտնապահ ըլլալ կարգուածներուն պէս , իրենց բաղդը աւելի բանուկ կ'ըլլար էրիկ-նին խարող կանանց քով :

Ամուրին աւելի ճարպիկ է քան դրամաշորթը . այս վերջինը շատ շատ ժամացոյցը կը թոցնէ զրպանէն , մինչ ամուրին , ժամացոյցը մարդուն զրպանին մէջ թողլով , ուզած ատեն ժամը կը նայի իրը իրենը :

Աւելի դիւրին է կովը ասեղին ծակէն անցնել , քան ամուրին՝ կարգուած կեսարացիի մը կամ Ակնցիի մը սեմէն , նոյնիսկ եթէ մէկ երկրացի ըլլան :

Կարգուածները վերէն վար կը նային կանանց , բայց , ամուրին այնքան խոնարհ է որ հազիւ կը համարձակի վարէն վեր ուղղել իր նայուածքը :

Ամուրիին տռաջին իտէալն է աղքատ աղջիկ մը երջանկացնել . գտա՞ւ մի , դրամովը կը փնտոէ . գտա՞ւ մի , երիտասարդ և աղուորը կը փնտոէ . գտա՞ւ մի , զարգացածին դուռը ափ կ'առնէ . ան ալ գտա՞ւ մի , «քիչ մըն ալ սպասինք լաւագոյնին» կ'ըսէ : Ասանկով օրին մէկն ալ երբ տեսնէ որ մազ մօրուք ճերմկեր է , վազ կ'անցնի կարգուելէ :

Ամուրին անպատճառ սիրային դժբախտութիւն մը պիտի կրէ , մանաւանդ երբ երկսեռ վարժարան գացած և կամ դրացնութեան մատ կայ գործին մէջ . ասիկա պիտիքէթ նստիլ սորգողին սկանակութեան պէս շուտ կ'անցնի , յետոյ ինքզինքը պիտի տայ բնականաբար քիչ մը խմելու և զուարճանալու . կը մեռնի եթէ քանի մը զրուշ չուտէ սա նա սէր ծախող կնկան հետ , որոնց պիլանչօն միշտ ինքզինքը կործանած ցոյց տալ է : Յետոյ կը փնտոէ տունի որսեր , բերանը այրած ըլլալով վճարուած որսերէն :

Նշանաբանը «քեզ պիտի առնեմ» է , բայց հոգ չէ թէ չորս հինգ տարի քշէ այդ «պիտի առնեմ»ը : Երբ հարցում ուղղէք իր սիրոյն համար , «կը մեռնիր կոր , կը հատնիմ կոր» կը պատասխանէ ամուրին . երբ կարգուիլ առաջարկէք , իսկոյն երեսը կը թթուեցնէ մ փիլիսոփայական ժպիտով մը «Միթէ Վէրթէր , Ռուէօ , Պօզ կարգուեցա՞ն» կ'ըսէ :

Ամուրին անձնասպան կ'ըլլայ ընդհանրապէս , ծով նետուելով , որպէսզի նաւավարները ազատեն . ինքզինքը թեւէն կամ ոտքէն զարնելով որ վէրքը շուտով գոցուի , կամ բենքիւր ս'իօս խմելով , որ լավաժով մը տաէն բան լմննայ :

Երբ ամուրին նշանուի ...

( Ֆիլմը փրբաւ Բ. հատորին պիտի ըսկուի : )





## Ա Մ Ո Ւ Թ Ո Ւ Հ Ի Ն



ԾԲ չկարգուող մարդուն ամուրի ածականը  
կուտանք խիստ բնականօրէն, չեմ գիտեր ին-  
չու նոյնին իգականը կը զլանանք չկարգուած աղ-  
ջիկներու :

Հայկը՝ Հայկուհի կ'ըլլայ, Արմէնը՝ Արմէնուհի.  
միթէ ամուրին ալ՝ ամուրուհի չի՞ կրնար ըլլալ Հայ-  
լեզուին մէջ :

Առնական անտրամաբան եռականութիւնը՝ Տունը  
մնացած կ'որակէ այն աղջիկները, որոնք չեն փութար  
ժամ առաջ լապտերնուն իւղ կամ մոմ հայթայթելու,  
Ահետարանին յիմար կոյսերուն պէս, հետեւաբար փե-  
սային աչքէն անտես կ'անցնին և դուրսը կը մնան :

Սակայն ժամանակները փոխուած են այսօր, եւ  
ներկայի էն յիմար կոյսը՝ հին գարերու էն իմաստու-  
նին հատ կարելի չէ փոխել :

Ուրեմն բոլորովին անիմաստ է Տունը մնացած  
ծթուած բացատրութիւնը, քանի որ, մինչեւ վերջին

պահուն հաւանականութիւն կայ տունէն դուրս ելելու :

Աշխարհիս մէջ էն տգեղը, էն աղքատն իսկ, կըր-  
նայ իրմէ տգեղագոյնին, կամ աղքատագոյնին հանդի-  
պիլ, գրաւել անոր սիրաց և հետը կարգուիլ :

Բացի նիւթական ու ֆիզիքական պատճառներէ,  
չի կրնա՞ր ըլլալ որ տարբեր անձնական պատճառներ  
ունինայ աղջիկ մը չկարգուելու :

Տունը մնացած պիտի յորջորջէք այն աղջիկը, որ  
յաճախ իր երիտասարդութիւնը, գեղեցկութիւնը և  
գրամը կ'երթայ սիրայօժար թաղել վանքի մը չորս  
պատերուն մէջ :

Տունը մնացած պիտի անուանէք այն աղջիկը, որ  
փոխանակ իր ընտանիքը խեղճութեան մէջ ձգելով  
կարգուելու, կը նախընտրէ անոնց քով մնալ և զա-  
նոնք ապրեցնել :

Տունը մնացած պիտի որակէք նշանաւոր կարուհի  
մը, անուանի գրագիտուհի մը կամ համբաւաւոր ու-  
սուցչուհի մը, որ թերեւս տամնապատիկը կը շահի մի  
ոմն Միւսիւ Յորոսին, որ ո՞վ գիտէ քանի տարիներէ  
ի վեր հոգին կը մաղէ Մուսքիկի մէկ մութ անկիւնը,  
Ադամայ իշուն պէս սպասելով որ չորս ոսկին չորս ու  
կէս ըլլայ :

Ֆէյինիզմի ներկայ դարուն մէջ մնացած չեն գրե-  
թէ այն աղջիկները, որոնք երեմն կը յօժարէին պա-  
տառ մը հացի սիրոյն, ժամ առաջ առնական ինքնա-  
հաւանութեան տակ հեծծելու և յաճախ ալ խամբելու  
ոգ չանող ծաղկին պէս, ծեր գրկերու պժգալի սեղ-  
մումին մէջ :

Աղջիկ մը, որ թերեւս իր հաւանածը զինքը չէ ա-  
ռեր, իրեն հաւանածն ալ ինքը չէ սիրեր, և այս պատ-  
ճառով չէ կարգուեր :

Այսքան պարզ, մեկին իրողութիւն մը ինչո՞ւ եղծէլ, և այդ իտէալապաշտ հոգին ելլել տունը մնացած յորջորջել, հին գուլպայի մը նմանութեամբ.

Կիներու անհաւատարմութենէն վախնալով, կամ ամուսնական տաղտուկներէ խորշելով ամուրի մնացած այրեր հազարներով կը վիտան :

Զէ՞ կարելի որ նոյն փոխագարձ պատճառներով ամուրուի մնացածներ ալ գտնուին :

Ինչո՞ւ ստիպել աղջիկները, որ էրիկ մը ունեցած ըլլալու սիրոյն ինքիննքնին այրեն չաժեմի մը ի խընդիր, ի՞նչ է, խըսմերը այդ է եղեր, զայն վախցո՞ւց մի, տունը մնացած կ'ըլայ:

Սիրոյ գժբախտ ամուրի մը՝ որ չուզեր իր երգումը դրժել, և նոր սէր մը մշակել, չի կարգուիր, այսպիսին երկինքները կը հանենք :

— Սէրը անկեղծ է եղեր մարդուն, կ'ըսենք, կամքի ի՞նչ ուժ, ի՞նչ վեհոգիութիւն :

Ինչո՞ւ նոյն այս մուածումը չի տածել նաև այն աղջկան հանդէպ, որ կ'ուզէ կեանքին մէջ մէկ անգամ սիրած ըլլալ, հետեւաբար չի կարգուիլ :

Այդ աղջիկը պէ՞տք է որ իր հոգին ցանցընէ, իր զգացումները լուեցնէ, իր սիրու սպաննէ, և ելլէ կարգուի թերեւս մահու չափ ատած մէկուն հետ, տունը մնացած չորակուելու համար :

Ի՞նչ տխմար տրամաբանութիւն, որ Սկիւտար կամ Խում Խարու միայն կրնայ նստիլ :

Պիտի առարկուի որ, այլ է առնական սիրոյ գըժքախտութիւնը, այլ է կնոջականը :

Հազարներով կը հաշուուին այն աղջիկները որ հակառակ թէ սիւսիւ կեւոնի մը վրայ խենդ կ'ելլան, գիշերները չեն քնանար, այլ սակայն էն քրիթիկ վայր-

կեանին իսկ, մատերուն ծայլը անգամ շատ չեն ձգեր միւսիւ կեւոնիկին ափին մէջ :

— Գթութիւն, կը պօռան, աղջիկ մը խափել փորձելով, պիտի մեռնիմ:

— Զէ՞ կ'ըսէ ան, սկեպտիկ ժպիտով մը ետ, ետ փախչելով :

— Կը մեռնիմ կոր, ահա կ'աղաղակին երկու ձեռքով փորերնին, կուրծքերնին բռնած, և ծունկերուն փարելով :

— Տէրտէրը կարգայ անանկ, կը կրկնէ ան, նահանջի զգուշական միջոցները ձեռք առնելով խոկոյն գէպի գուռը :

Չեմ գիտեր որ ներկայի աղջիկները ինչու պիտի սոսկան եղեր տունը մնալու վախէն :

Հին դարերուն էր որ աղջիկները չուանով կը քաշէին ամուսնութեան օրը, իբրեւ դարագլուխ մը իրենց՝ կեանքի նորանոր իրազութեանց :

Փառք Աստուծոյ, այս օրուան աղջիկները երբէք պէտք չունին մայրական փորձառական խրատներու, Հիմէնի սեմին վրայ :

Տունը մնալով հանդերձ, յաձախ գիշերներն ալ տունը չմնացողները քիչ չեն թիւով :

Եւ աղջիկը, որքան ինքինքը քաջ ցոյց տայ տունը մնալու վասին գէմ, որքան սկեպտիկօրէն խնդայ առնական տխմար ելլին գէմ, որքան պոչ խաղցնէ, այնքան ինք շահաւոր կ'ելլէ :

Առաջին քայլին իսկ փոխանակ քիթէն բռնուելու, եթէ աղջիկը պաղարիւնով գիտէ իր չուրջը գարցող թիթեանիկները և ինքինքին ժամանակ ձգէ պղտիկ բաղդախտութիւն մը ընելու անոնց միջեւ, ու ըստ այնմ տայ իր որոշումը ամուսնութեան, իր երջանկութիւնը

աւելի հաստատ կ'ըլլայ ապագային :

Ուրեմն, հեռու ձեզմէ տունը մնալու վախը, ո՞վ գեռ չկարգուած աղջիկներ, — որովհետեւ կարգուած աղջիկներ աւ կան — գիտցէք արժեցնել ինքզինքնիդ, և մանաւանդ գիտցէք ուեէ նիւթական միջոց մը ապահովել ձեզ. պատուաւոր արուեստի մը հետեւողութեամբ, քանի որ գլխաւորապէս այդ է որ ձեզ կը նետէ միշտ դէպի էրիկ մարդու մը գիրկը և գժրախտ կ'ընէ ձեզ: Չեմ լսեր թէ մի կարգուիք, այդ տեսակ բրորականտի մը գէմ առաջին բողոքողը ես իսկ եմ, բայց կարգուեցէք՝ դուք ընտրելով, և ոչ թէ այրերէն ընտրուելով, մասվաճառին կեռերէն կախուած միսերուն պէս:

ՈՒՇԱԴՐՈՒԹԻՒՆ. — Այս տողերը գրողը իր կանխաւ խորին շնորհակալութիւնները կը յայտնէ այն աղջիկներուն, որոնք կարգալով այս տողերը, անձամբ, կամ նամակով, կամ մեկուսի պիտի գրեն ու գոչեն, — «բերանը պագնիմ»:



## ԱՄՈՒԴԻՒՆ ՏՈՒՆԸ



Ա. ՄՈՒ — ՆՆՉԱՍԵՆԵԱԿԸ

ՐԿԱՄԹ անկողին մը, սաւանը քիչ մը դեղնած, վերմակը երկու կողմէն քակուած, մժղարգել կէս մը քաշուած, բարձին վրայի կողմը գեղին, տակի կողմը ձեփճերմակ, մէջտեղը փոս: Անկողին մէջտեղը խորունկ, քովերը վեր բարձրացած, մէջը հացի փշրանք, շօքուայի թապլէթ մը, բարձին տակ աղջկան մը պատկերը և երկու նամակ:

Անկողին ստքին խալի կտոր մը, վրան աղտոտ թաշինակ մը, թէք սկարբին մը: Անկողին երկաթէն կախուած՝ պոլքել մը, երեսի սրբիչ մը, բանթալօն մը: Անկողին քով հօմիօս մը, վրան աշտանակ մը՝ մոմը հատած, քովը սուրճի գաւաթի մը մէջ կէս մոմ մը, ջուրի գաւաթ մը՝ չորս մատ փոշիով, ֆրանսէրէն վէպ մը, աղջկան մը պատկերը:

Աջ կողմը՝ կարտըրօպ մը գուռները բաց, հագուստները բէլ-մէլ նետուած, կէսը գուրս ինկած: Զախ կողմը՝ լավապօ մը, կուժ մը անջուր, ջրաման մը, մէջը սապօն ջուր, ածելի մը, ակոայի վրձին մը, գեղի չորս հինգ շիշ, հոտի շիշեր, օծիք մը, քրավաթ մը, մոխրաման մը մէջը էն քիչը տասը մարած սիկառ: Կեդրոնը սեղան մը, վրան գիրքեր, թուղթ, նա-

մակներ, տուփ մը չօքոլա, գաւաթ մը ջուր։ Աթոռի մը վրան նետուած ժաքեթ մը, քրավաթ մը, ուրիշ աթոռի մը վրայ բիճումա մը, գետինը բանթալօն մը, երկու զոյգ կօշիկ։ Դրան մէջ հողաթափ մը, անկիւնները մամուկներ, պատուհաններու մէջ երկու մատ փոշի, երկու ապակի կոտրած։

### Բ. ՄԱՍ — ՃԱՇԱՍԵՆԵԱԿԲ

Սեղան մը, վրան չորցած հացի փշրանքներ, գինիի շիշ մը պարապ, պիրալի լեցուն շիշ մը, ութը սկաւառակ մէջը կերակուր չորցած, գետինը կողիկի ոսկոր մը, գիրք մը, սեղանին վրայ նամակներ։

Պատէ մը գամէն կախուած գլխարկ մը, անկիւն մը հովանոց մը, դիմացի անկիւնը գաւազան մը։ Պատին վրայ՝ կեցած ժամացոյց մը, ուրիշ անկիւն մը աղտոտ լաթեր, գուլպայ, շապիկ, օձիք ևն։

Պիւֆէ մը, վրան չուրի պարապ շիշ մը, գարակին մէկը գուրս ինկած, մէջը օձիք մը, չորս հինգ դգալ, աղաման մը կէսը թափած, 2-3 լուսանկարներ իւղով արատաւորուած։

Պատի մը վրայ պտուղներու իւղաներկ մը, քովերը քարթ վիզիթ խօթուած։

### Գ. ՄԱՍ — ԳԱՊԻՆՔՆ

Շիտակը ստամոքս և ախորժակ կ'ուզէ նկարագրելու և մանաւանդ կարդալու համար զայն, սաշափ միայն ըսեմ որ, փողոցին գունէն մինչեւ տանիքը ամօնեաքի կծու հոտէ մը քիթդ կ'իյնայ, թէեւ գլխու ցաւնալ կ'անցնի,

21014-60



### ԱՄՈՒԽԻԿԻՆ ՏԱՆ ՄԱՐԴ

(3106-48)



ՄիկԱ. տիտղոս մըն է, որ կը տրուի այն հազուագիւտ ամուրիներու, որոնք տարիներու համբերատար անմանուիրութեամբ մը. և բարեկամութեամբ մը կը յաջողին վերջապէս վսամելիութեան վկայականը ձեռք ձգել։

Նախ տան բարեկամն է, կամ թավլուի անբաժանելի խաղակիցը, կամ բօքէրի շաբաթական ապօնէն ըլլալով։

Բայց, այն օրէն որ տան էրիկ մարդը յանկարծ պէտքը կը զգայ չուել այս աշխարհէն, իր ետին ձգելով սիրասուն կէս մը, յաճախ կէս տուզինա մըն ալ զաւկըներ, այդ օրէն տան բարեկամը կը գառնայ ՏԱՆ ՄԱՐԴԸ։

Ոչ ոք զինք հրաւիրուած է, ոչ ոք իրմէ ծառայութիւն մը ինդրած է, բայց ան, ինքնաբերաբար, անգիտակցաբար իր գործին գլուխն է։



Խեղճ որբեւայրին կէս մեռել մըն է, կաթիւ մը  
էթէրով կարթննայ, ա՛խ-ով մը կը մարի:

Գլուխը խելք չկայ, վրան ուժ չկայ բան մը ընե-  
լու, կարգադրելու համար:

Տան Մարդը մարդուն մեռած գիշերը կը հասնի  
արդէն, և քանաբէի մը վրան կը լուսցնէ անպատճառ:

Առողջապահական Վարչութեան պէտք է լուր տալ,  
մահազդ պատրաստել, մեռել լուացող կինը, գագա-  
զագործը կանչել, Առաջնորդարան վազել, սակարկել,  
ծաղկեպսակ պատրաստել, տունը սեւ թիւլերով պա-  
տել, տղաքը տունէն հեռացնել, գերեզմանատսն հո-  
գաբարձութեան հետ բանակցիլ, այս ամէնուն տան  
մարդն է որ կը հասնի, արիւն քրտինք մտնելով, վա-  
ղելով:

Պէտք է խոստովանիլ սակայն թէ, այն քանի մը  
օրերը որ կ'անցնէ տան մարդը, էնայի անձնուիրու-  
թեան գլուխ գործոց մըն է և իրաւամբ արժանի՝ նո-  
պէլեան մրցանակի:

Հոս չի լմնար սակայն գործը, լուսահոգին յիշեց-  
նող խել մը աւելորդ առարկաներ կան, պէտք է ծա-  
խել. ժառանգական խնդիր կայ, պէտք է կարգադրել.  
ապահովագրութիւն կայ, պէտք է գտնձել. մաղաղտն  
լիքիտասիօն պիտի ըլլայ, պէտք է հոկել. խել մը առ-  
նելիքներ, տալիքներ կան, այս բոլոր գործերն ալ  
բեռցուած են տան մարդուն ուսերուն:

Տեսնելու էք զինքը, արիւն քրտինք մտած, փէ-  
շերը օդին, կառք կը նստի, կառքէն թրամզէյ կը  
ցատիկ, Առաջնորդարան, անկէ Վագըֆ, Վագըֆէն  
տուն, տունէն պանքա, մաղաղա, մաղաղայէն փաս-  
տափանին:

Յաճախ ժամանակ խոկ չի գտներ ճաշելու, հաղիւ

բերանը պատառ մը կը նետէ, կամ սիկառ մը կը վա-  
ռէ, միտքը բան մը կ'ինայ կը նայիս. անկէ նորէն փո-  
ղցներն է, գրասենեակներն է, ժամեր, օրեր այսպէս:

Բաւ է որ խեղճ որբեւայրին իր գիշերային սեւե-  
րուն մէջէն, արցունքոտ աչքերը վրան յառէ, այդ  
լոիկ, խորհրդաւոր աչքերը, տեղ կը վնասոէ տան մար-  
դը վազելու, յոգնելու, աշխատելու համար:

Մեղայ որ տասնոց մը զիջանի ընդունիլ, լուսահո-  
գին բարեկամն էր նէ, տան մարդն է նէ, այսչափ մը  
բա՞ն ալ չընէ:

— Ա՛խ, չատ կը յոգնիք կոր, միւսիւ Օգոէն:

— Ի՞նչ կ'ըսէք, տիկին:

— Զէ բայց ...

— Կ'աղաչեմ տիկին, ինչ ըսել է, պարտքերնիս է,  
տասնկ օրի պէտք է բարեկամութիւնը:

— Սակայն ձեր անձնական գործերը ...

— Կարեւորութիւն չունի, երկու օր ետքն ալ կը  
նայիմ, առաջ սա ձեր գործը լմնցնեմ:

Բայց, գործը չի լմնար, մինչ գովեստները տե-  
ղատարափ կը թափին:

— Զգտնուած մարդ է, սա միւսի Օգոէնը իրաւ որ,  
ինչ մարդ, ինչ մարդ, մարդուս էրիկը, եղբայրը ըլլայ  
նէ այսչափ չի յոգնիր, տունէն վայրկեան մը հեռանա-  
լուն կը չուարիմ, ինքինքս լքուած կը զգամ, գիտես  
որ Աստուած խրկեց զինքը նեղ օրերուս:

Տղաքը որոնք կարէ եղած են, խենդ կ'ելլան տան  
մարդուն վրայ, տուէն ներս մտնալուն վիզը կը ցատ-  
կեն, մէկը փէշը կը քաշէ, ուրիշ մը պեխերը:

Եւ չօքոլայի, պօնպօնի ծրարիկները կը սկսին  
բաժնուել, մէկ մէկ անմեղ պաչիկի փոխարէն:

— Տղաք, ալ հերիք է, քիչ մը հանգիստ թողէք:

— Զգեցէք տիկին, չէք գիտեր որքան երջանիկ եմ  
իրենց այս մանկական գուրգուրանքովն պաշարուած :

— Բայց, յոզնած էք, հանգիստ ըրէք, կ'աղաչեմ,  
— Յոզնած, բնաւ երբէք, նոյնիսկ եթէ ըլլամ,  
այս հրեշտակներուն ընկերակցութիւնը մարդուս ամէն  
բան մոռցնել կուտայ :

Տղոց պառկելէն ետքը կարգը կուգայ հաշիւներու,  
ամէն մէկ գրպանը լեցուն է հաշուի թուղթերով, ստա-  
ցագիրներով, վաւերաթուղթերով :

Մէնտէքի մը խղճմտութեամբ, մանրամասն, կանո-  
նաւոր հաշրւ կը սկսի տալ, միլիէմը միլիէմին :

— Կարեւորութիւն չունի միւսի Օգոսէն, կը կար-  
ծէք որ սի՞րտ ունիմ :

— Բայց, տիկին, գէթ ձեր զաւակներուն սիրոյն,  
անոնց ապագային համար :

Եւ կամաց կամաց այս ծայրայեղ անձնուիրութիւնը,  
և փութկոտ գործակատարութիւնը կը պատրաստեն այն  
պարարտ հողը, ուր ամուրին իր տարիներու իտէալին  
սերմերը կը սկսի ցանել հրճուանքով :

Համակրանքի թերեւս ակամայ զղացում մը ծայր  
կուտայ որբեւայրիին սրտին մէջ, վիշտը՝ հետզհետէ  
կը թեթեւնայ, կ'անօրանայ և կ'երթայ պարփակուիլ  
գերեզման օրհնէքի մը և կամ տարեկան հոգեհանգիս-  
տի մը մէջ :

Լուսահոգիին բոլոր մարդկալին թերութիւնները,  
անոր երեսէն քաշածները, նախանձի տեսարանները,  
ծախքի առարկութիւնները, մերժումները կը ցցուին  
հիմա աչքին առջեւ, մինչ տան մարդուն անձնութրու-  
թիւնը, անշահախնդիր ոգին, ազնիւ սիրտը, անկեղծ  
բարեկամութիւնը կը վառեն անմիտթար !! որբեւայրի-  
ին այրացաւեր սիրտը :

Միասին պտոյտի ալ կ'ելլեն, թատրոն, քօնսէո,  
սինէմա ալ կ'երթան հիմա :

Տեսակ մը աներեւոյթ զօրութիւն այնպէս մը զօ-  
դաց, կապած է երկուքը իրարու, որ խզում մը, բա-  
ժանում մը անկարելի է գրէթէ :

Հակառակ որ դուռ գրացիին լեզուն իր ականջները  
կը լզվոտէ, հակառակ որ նայուածքները տեսակ մը  
կուղղուին, որբեւայրին, ուսերը կը թօթուէ :

— Հոգս, լեզուն ոսկոր չունի, ինչ ուզեն ըսեն,  
մարգը բանը գործը ձգեց ինծի համար այնքան աշ-  
խատեցաւ, յոզնեցաւ, ամէն բանին հասաւ, կարգի  
գրաւ, հիմա որ բոլոր գործերս լմնցաւ ի՞նչ սրտով  
գուռը ցուցնեմ իրեն, և եղածը ինչ է արդէն, օր մը  
բերանը բացաւ բան մը ըսա՞ւ, օր մը ծուռ նայեցա՞ւ,  
Աստուած չընէ, տունս կը մտնայ կ'ելլայ եղեր, ահա  
բոլոր բամբասանքը, փէք ալ չնորհքով մարդ է, տան  
մարդն է, հետը կարգուիմ նէ ինչ կ'ըլլայ եղեր, սա  
տեղ քանի՞ տարի գեռ կեանք ունիմ, լուսահոգիին.  
օրով չտեսածս գոնէ անոր հետ կը տեսնեմ, կը վայլեմ:

Եւ օր մըն ալ, թերթի մը անկիւնը կը հանդիպիք  
իրենց կարգուելու լուրին :

Հելալ վասակ, չէ՞ :





## ԱՄՈՒՐԻՆ ԲԱՆՍԻՈՆԵՐ



ՆԱՅՄԱՆ տղայ, ծանը ծունը չկայ, տո՞ւնն  
է մի, չէ; չիյսես իրաւ որ. առտուն կա-  
նուխ գործին, մատներուն ծայրը կոխելով  
վար կ'իջնէ որ չարթննանք. իրիկունները  
կանուխ տուն, բարեւ մը դռնէն, սենեակը  
կը քաշուի, մութին կը նստի որ մոմը շատ  
չի վառի, չիւնքի լոյսը մեր վրան է. մաքուր, կոկիկ,  
չօրապ մը չես տեսնար գետինը, ամսու գլուխ չեկած  
օսկին ամչնալով ձեռքս կը դնէ կը փախչի, նամուսլը  
ըլլայ նէ աս չափ ըլլայ, օր մը, ինչ կ'ըլլայ քա, տելի-  
խանլը ես, դուռի մը ծակէն, արալըխէն նոյեմիխս ծուռ  
նայէ, չիտակը փէք գոհ եմ, չկտնուած տղայ է:

Այսպէս կը խօսի Ամպէր հանըմ, ձեռքերը օդին,  
էֆթիկէնց տունը, ուր գացած է աղջկանը հետ վիզի-  
թի, անոնց օրը ըլլալով:

Ամպէր հանըմին ըստածին պէս, իրաւ ալ չնորհքով

տղայ էր կարպիս, պինուրական փախստական մը չա-  
տերու պէս, որ գէշ աղէկ գործ մը գտած, կ'ապրուէր:  
Կարպիս երեք ամիսէ ի վեր Ամպէր հանըմին բան-  
սիօնն էր:

Առտու մը սակայն սովորականին հակառակ իր  
սենեակը կը մնայ կարպիս:

Ամպէր հանըմ, գող ելած իր անլըմանին այս ան-  
սովոր պատահարէն, նիփչեն ձեռքը վեր կը գազէ,  
ետեւէն ալ նոյիմին:

— Բա՞ն մը ունիս տղաս :

— Զիյտեմ մայրիկ, բան մը կը զգամ կոր, գլուխս  
ծանր է, բերանս լեղի, չորս կողմու ալ կը ցաւի կոր:  
Ճակտի, երեսներու, բազկերակի արագ քննութե-  
նէ մը ետք.

— Վախցուցիր իս օղուլ, բան մը չէ, էֆլուէնցայի  
պէս բան մըն է, մաեր ես կ'երեւայ թէ:

— Ես ալ գիտեմ որ վախու բան չէ, գուրս ել-  
լելուս պէս կ'անցնի :

— Մեղայ Տէր Յիսուս, աս հալովդ գործի երթա-  
յիր, պառկէ տեղդ, խենդութիւն չուզեր :

Ու մատները կը սկսին մայրական գուրգուրանքով  
մը վերմակը շտկուտել, և զօռ ընել որ պառկի:

Օրիորդ Նոյեմի գուան նրբանցքին մէջէն .

— Մայրիկ, միսը կարմրեցաւ, վախնամ տակը  
առնէ :

— Ներս չգա՞ս քա, կարպիսը քիչ մը քէյֆ չունի :

— Ներողութիւն օրիորդ :

— Զարար չունի, քուրդ կը սեպուի, հիւանտու-  
թիւն է աս, պաշխտ բան չէ, նոյեմի, տուն նստէ  
քովը քիչ մը, քի խենդութիւն չընէ տէ հագուի, ես  
միսը նայիմ կուգամ, տաք տաք թէյ մըն ալ չինեմ,

մինչեւ իրիկուն ինշալլահ բան չի մնար :

Նոյեմի , հլու մայրական խօսքին՝ կուգայ իր ...  
Աղքարիկին քով նստիլ , մինչ Անպէր հանըմ , միսը ,  
պոռալով ֆելիչն կ'երեցնէ ու կ'աճապարէ խոհանոց :

Ու միւսիւ կարպիս և օրիորդ նոյեմի կը մնան  
գլուխ գլխի , միս մինակ , պատուհանները գոց , օդը  
խեղդուած այդ պիենարի սենեակին մէջ :

Հիւանդը կը նեղուի , բարձը անհանգիստ է , պէտք  
է շտկել , թեւը գուրս կը հանէ , պէտք է ներս դնել ,  
վերմակը կը սահի , տեղաւորել :

Եւ օրիորդ նոյեմի , առանց կարմիր իշաչեան մը  
ըլլալու , քրոջ մը համբերատարութեամբ կը կատարէ  
այդ բոլորը :

Վարկեան մը կուգայ , որ հիւանդին ձայնը խղտուկ  
կ'ելլէ . օրիորդին ափը բերնին է :

— Շատ մի խօսիր , կը յոգնիս :

Եւ որպէսզի բարձը չխօսի , օրիորդ նոյեմի կը նա-  
խընտրէ անկողնին վրայ նստիլ և մօտենալ :

Ո՞հ , այդ պլուզը որ ծռած է անառակ ուռուցի-  
կութեամբ մը , այդ մատները որ քունքի մաղերը կը  
շտկեն :

Պարոն կարպիս կասկարմիր կտրած է , տաքու-  
թիւնը աւելցաւ , չելլայ թիֆօէ բռնուած ըլլայ :

Բայց , օրիորդ նոյեմի ալ կարմրած է , ա՞ն ալ  
արդեօք ...

Եւ վերջապէս ...

— Հոգին , կը սիրեմ քեզ :

— Սոււս , մայրիկո կ'իմանայ :

— Ան խոհանոցն է :

— Ես ալ քեզ կը սիրեմ , անդութ :

ՇԱ՞Փ ...

Բայց , միւս կողմէ ՇՌԱՌԻ ...

Տաք տաք թէյն է որ , գաւաթով , դգալով , շա-  
քարով և ափսէով կ'ինայ դռան նրբանցքին մէջ Ամ-  
պէր հանըմին դողահար ձեռքերէն ... Թապօ !!

Շարաթ մը ետքը , նոյն Ամպէր հանըմն է որ կը  
խօսի , այս անգամ ձեռքերը ծունկերուն , էֆթիկէնց  
տունը .

— Քա սուս , ծունը թէփէխս , գիտես քի մէկը մըշ-  
տեց իս և աղէկ ատենին հասայ . չէ նէ , լմնցած էր հա ,  
սա միսքին շունը նայէ , նոյեմիս ելէր է գլխէ հանե-  
լու , խլուտն քիչ մը փարա ունենար նէ , նէ իսէ , Աս-  
տուծոյ մատը կայ մէջը կ'ըսէի , ճէպը տէլիկ , տակը  
բանթալօն մը չունի : Մէկ երկու չըսի , դուրս նետեցի  
փիսը . երթայ աղօթք ընէ որ փոլիսին ալ չտուի :





## ԱՄՈՒՐԻՆ ՍԻՐԱՀԱՐ

---

**ՈՐՉԱՆՔԻ** և հիւանդութեան ամէն տեսակը կը մաղթեմ մէկուն, բայց, սիրահար ամուրի բարեկամ՝ ոչ իսկ թշնամիիս չեմ մաղթեր:

Ամուրի սիրահարը նիհար կ'ըլլայ ընդհանրապէս, բաւական գեղնած, այտերը քիչիկ մը փոսացած, աչքերուն սեւը երկինք ճերմակը գետին յառած: Վրան գլուխը կամաւոր անփութութեան գլուխ գործոց մըն է:

Հետդ խօսած ատենը, երեսդ չի նայիր բնաւ, այլ ապուշ, ապուշ անկիւն մը կը սեւեռէ իր նայուածքը:

Նստած ատենը՝ տասը մատը մէկէն մազերուն մէջ կը միրձէ:

Քալած ատենը՝ ամէն մէկ քայլին կը կենայ, աջ

ոտքը ձախէն առաջ, մէկ ձեռքը ժիլէին կոճակներուն, ալա Նաֆօլէսն կը խոկայ, բայց ոչ Վաթէրլօն կամ Աւստրելիցը, այլ օրիորդ Սուրբիկի մը ծուռ կոխած ոքարբինը, և կամ մժեղներէն ծակոտած վիզը:

Երէկ՝ խենդ կ'ելլար վրադ, այսօր՝ բարեւ իսկ չի տար:

Միասին ճաշի՞ նստար, պատառ մը բան չի գներ բերանը: Բայց գտւաթ մը պիրտ խմելու ելիր, շիշը բերնին կը տանի, ու հինգ վայրկեան ետքը փիս փիս կը փսիէ:

Երեսը նայելուդ՝ «Հիմայ պիտի լայ» կ'ըսես, բայց չէ, եգիպտոսի ամպոտ օրերուն պէս, կը նեղէ, բայց շանձրեւեր:

Դանակը, ածելին, մկրատը բռնելու անանկ ձեւ մը ունի, որ կը կարծես թէ անձնասպան պիտի ըլլայ: չէ, կամ մատիս է կարածը կամ եղունդ:

Նեղոսին եզերքը պտոյտ մը ըրիր հետը, ոտքին մէկը ջուրին կողմն է, թեւէն կը կախուիս ասդին քաշելով:

Սիկառին մուխը կոկորդը մնաց, թոքախտաւորին հազը կը կեղծէ:

Կեռաս կամ ձմեռո՞ւկ կերաւ, կը սկսի աչքիդ առչեւ թքնել, որպէսզի իր թուքին մէջը կարմիր երկդներ տեսնես:

Եթէ կ'ուզես մի դիտեր այս բոլորը, մի՛ խղճար վրան, կը բարկանայ և «բարեկամ չունիմ» կը պօռայ:

Բազմութենէն կը խորչի, կը փախչի, կ'ուզէ մեկուսանալ, այնպէս մը սակայն՝ որ ուրիշները զինք տեսնեն:

Երբ բերանը բանայ, Եարճանեանը իսկ չի կընար մրցիւ հետը, ախէ ոնէ զատ ուրիշ բառ չելլեր բերնէն.

— 28 —

Ամէն միջոց ի գործ կը դնէ որ իր սիրածը իմանայ իր վարած կետնքը:

Երբ ամուրի սիրահար մը՝ «Աման մարդու բան չըսեօ» ըսէ, մի զախնար հանդիպածիդ պատմէ տեսածդ, լսածդ, ան աւելի գոհ կը մնայ:

Ծիտկէ շիտակ ուղղագրութիւն մը իսկ եթէ չգիտնայ, ոտանաւոր գրել կը փորձէ:

Հոգի կուտայ երգ և նուագի, յաճախ ինքն ալ քթին տակէն կը մումոայ զռնչական ձայնով մը:

Դրամը իրը թէ կ'արհամարհէ, ափով պարապին գրամ նետել կը ձեւացնէ. մի՛ հաւտար, նետածը թարիֆա է:

Երբ սիրածին հանդիպի՝ խուսափել կը ձեւացնէ, երբ խօսակցելու առիթ ունենայ, կը ջանայ պահել իր ներքին խոռվթը, բայց կը մոռնայ իր ըսկելիքը և կը սկսի ապուշ բաներ ըսել, և երբ սիրածը հեռանայ քովէն, ետեւէն անանկ մը կը նայի, իրը թէ խիթը բըսնած ըլլայ և կամ մէկը ոտքին կոշտին կոխած:

Նոր կօշիկ մը կը հագնի ծակ գուլպայով, պատռած բանթալոնին վրայ ֆանթէզի եէլէկ մը կ'անցընէ, կամ աղտոտ օձիքի մը շուրջ արժէքաւոր փողկապ մը կը կապէ, ըսել ուզելով, «Ամէն բան ունիմ և լաւը ունիմ, բայց ինչ ընեմ, սիրտ չունիմ»:

Անպատճառ սիրածին ուղղուած նամակ մը կը գըտնէք իր գրանը, ուր կը յայտնէ իր սէրը և իր վերջին կամքը, բայց այս նամակը երբէք իր հասցէն չգըտնար ... չմեռնելովը. միայն թէ 15 օրը անգամ մը մաքուրի կը քաշուի: թուականի փոփոխութեան համար:

Սիրահար ամուրին այնպէս կ'ուզէ կլլեցնել իրը թէ, իրեն համար մեռնող քանի մը աղջիկներ կան, բայց ինք չուզեր զանոնք:

Երբ զինք կնոշ մը հետ զուարձութեան վրայ բըռնէք, քմծիծաղով մը կ'ըսէ, «Պատրա՞նք բարեկամս, կը կարծես որ հա՞մ կ'առնեմ կոր միթէ»:

Եւ այս բոլորը մինչեւ այն օր՝ որ իր սիրածը սիրել ձեւացնէ զինք և հաւանի կարգուիլ:

— Զէ, կը պուայ կարգուելու գաղափարէն ահաբեկած, չէ՛, գթութիւնը կը մերժե՞մ խապառ, չեմ ուղեր մեղքնալիք ըլլալ:

Տեղը չէ՞ ըսելու կեսարացի բարեկամիս պէս.

Եա նէ՞ խթէն զուշում:





## ԱՄՈՒԽԻՒԹԵ ՄԵԹՐԵՍՆԵՐԸ

### ԵՒՐՈՊԱՑԻ ՄԵԹՐԵՍԸ



ԵՐ մէջ այս կարգի մէթրէս մը ունենալ, ընդհանրապէս Ֆիզ ա բարաներու տրուած է, որուն տեւողութիւնը սակայն դժուար թէ վեց ամիս ըլլայ:

Մէթրէսը կ'ըլլայ կամ շանթէօզ մը, կամ գերասանուած մը, որ թերեւս իր երկիրը անօթութենէն բերանը կը հոտէր, և կամ շատ շատ ըրջուն խումբի մը բրիմա տօնա մըն էր, որ սակայն անգամ մը էնայի Ֆիզ ա բարա մը ձեռք անցնելուն՝ կը դառնայ թէժան մը կամ Ատելինա մը:

Ֆիզ ա բարան, ըսենք մի ոմն միւսիւ էտկառ, անոր կը հանդիպի Բարիզիանան կամ Քիւրսալլ:

Շանթէօզը նախապէս տեղեկութիւններ կը քաղէ գործը գիտցող կառուօններէն, ուստի չուրջը կը դեգերի առանց մօտենալու:

Միւսիւ էտկառ, իր բարեկամներուն խըզ ընելու համար, ամէն գինով կ'ուզէ այս « նոր ապրանքը » ինք ձեռք ձգել, ուստի կը սկսի քսակին և շամբանիային բերանը բանալ:

Ին քիչը տասը օր մը կը տեւէ այս շամբանիա բացումը և վերջապէս առաջին տեսակցութիւնը տեղի կը ունենայ, լակոնիկ և պղատոնական. սուրէ, օթօ, մինչեւ գրանը առջեւ, քու կերի:

Երկրորդ տեսակցութեանը, յաջորդ գիշերն իսկ — երկաթը պէտք է տաք տաք ձեծել — գեղուհի շանթէօզը, ըրթունքներուն գարմէնին մէջէն Գարմէն մըրմուալով, կը յայտնէ իր տկարութիւնը արեւելեան սեւ աչքերու:

Երրորդ գիշերը պարոնին վալա պեխերը, զինք անհանգիստ կ'ընեն. առտուն միւսիւ էտկառ արդէն կապիկ մը գարձած է ածելիի հարուածով մը:

Չորրորդին, շանթէօզին բանտանդիքը կորած է, ընտանեկան յիշատակ մը:

Միւսիւ էտկառ իսան. իսալիլը իրար կ'անցնէ և քիչ շատ մէկ նմանը կը փութայ նուիրել:

Հինգերորդին՝ շանթէօզին արարթմանը շատ գէ է, — թերեւս Գլու Պէյ — գիշերները երբէք չի քնանար կոր:

Միւսիւ էտկար անուն հրճուանքը ունի վեցերորդին իսմայիլիա աղուոր աբարդմանի մը մէկ սենեակին բանալին իրեն յանձնելու:

Եօթներորդին, Մարսիլիայի փոստան ուշացած է, դրամ պիտի գար շանթէօղին, չեկաւ. ինք մարդ չի ճանչնար հոս, ամպասածի մէջ :

Միւսիւ էտկառին մատները դրամաշորթի մը շուտիկութեամբ գրապանէն քանի մը պանքնօթ կը հանեն և կամաց մը շանթէօղին պայտւուակին մէջ կը սահեցնեն :

Աստուած՝ աստուած ըլլալովը եօթը օրէն շինեց մարդը, որով ութը օրը շատ մի գտնաք միւսիւ էտկառին՝ Փօրժէթին սիրտը կարենալ շինելուն համար :

Այդ գիշեր միւսիւ էտկառին ոտքերը գետին չեն դպիր, շամբանիայի 10րդ գաւաթին վերջապէս խլած է խոստացուած երանութիւնը :

Այդ գիշեր Խսմայիլիայի աբարդմանին պօապը 10 զրուշի պախշիշ մը ունի :

Այդ օրէն միւսիւ էտկառին հետքը կը կորսնցնեն, իր ընտանիքը, բարեկամները, և մաղաղային պաշտօնեաները :

Կուպրի պէս փակած է իր մերեսին, ո՞վ կրնայ զատել զանոնք իրարմէ :

Օր մը Բորթ Սայիտ կը տեսնէք զիրենք, յաջորդ օրը՝ Սուէզ են, Աղեքսանդրիա իջեր են, օթօմոպիլով Գահիրէ ելեր են, Հելուան տեսնողներ եղած են զիրենք. Հէլիոպոլիս նշմարուած են, Լուքսոր են, Քառնակի աւերակներուն :

Եւ այս կը տեսէ մինչեւ այն օրը, որ Փօրժէթին վերջին գարրիսը անլսելի մնացած ըլլայ և Փօրժէթ աւ առտու մը կանուխ իտալացի սինեուի մը հետ կծիկը դրած :

Հիմա միւսիւ էտկառը կը տեսնէք՝ ժաքէթը, օձիքը հանած, վիզին թաշկինակ մը՝ գրասեղանին առջեւը :

— Թորուն :

— Համմէ էֆէնտի :

— Յիսուն սոկինոց չէքը ի՞նչ եղաւ :

— Ետ եկաւ պանքայէն :

— Երէկի վճարո՞ւմը :

— Բրօթէսթոյի գնաց կարծեմ:

— Հապա 12 պաւեային քօնէսմա՞նը :

— Պանքան կը կենայ կոր :

— Էշու գլուխ, հայվան, երկու օր հոս չըլլալուս, գործը ապուր դարձուցեր ես :

Հինգ վայրկեան կ'անցնի :

— Աղա՛ :

— Ի՞նչ է :

— Զիգուրէլէն ֆաքթիւր մը 14 սոկիի, պիտի վը-ձարութիւն :

— Բոէ վաղը թող գայ :

— Անկարելի է կ'ըսէ կոր :

— Կորսըէ ոըկէ :

Տաուը վայրկեան կ'անցնի :

— Աղա՛ :

— Ի՞նչ է ծօ :

— Քրամըրը մարդ դրկեր է, 50 սոկիին օրն է, պիտի վճարուի՞, կը հարցնէ :

Եւ շաբաթ մը ետքը, երբ պատահմամբ անցնիք միւսիւ էտկառին մաղաղային առջեւէն, այն մաղաղային՝ որը իր պապան ֆուլ և թատմիէ ուտելով հաստատած էր Արապիին օրով, և որը այնքան լաւ համ բաւ և գիրք ունէր, ամէնէն առաջ աչքերնիդ պիտի զարնէ գոց փեղկերը, յետոյ րէալի մեծութեամբ կարմիր կնիքը :

— Իմացա՞ր, էտկառը թոփ նետեր է :

- Խեղճ տղայ :
- Խեղճը ինչ է, ո՞վ ըստ իրեն որ գիշերը 10-15  
ոսկի ուտէ, ունեցածը ինչ էր որ. իշխէ կը հատնի  
ասանկ :
- Գացիէռը լաւ դրամ շիներ է կըսին կոր :
- Զշինելը աւտանակութիւն,
- Ժօրժէթը ինչ ըրաւ :
- Կծիկը գրեր է սիրածին հետ :

Գլուխները կ'օրօրուին, մրմունջները կը բարձրա-  
նան և աչքերը կը սեւեռին ֆիզ ա բաբային ետեւէն,  
ամէն անգամ որ քիթը փողկապին մէջ խօթած միւսիւ  
իշկառ կանցնի փողոցէն ստուերի պէս :

### Բ. ՀԱՅ ՄԵԹՐԵՍԻ

Հայ մերեսը բոլորովին տարբեր է եւրոպացի  
մէթրէսէն :

Վերի պատկերին մէջ, երբ մարդն է ենայի և  
ապուշ, երկրորդին մէջ մերեսն է ցաւալին :

Կամ որդեւայրի մըն է, կամ էրիկէն զատուած մը  
և կամ բողանոցէն աղատուած մը, որ պատառ մը հա-  
ցի սիրոյն, կը հանգուրդէ մազ մօրուք ձերմկցած 40-  
45նոցի մը ամէն բանին :

Վայ այն Հայ կնկան որ՝ Հայու մը մերեսը կ'ըլլայ :  
Նախ ամիսը անգամ մը տուն փոխելու է, եթէ չու-

զեր ապակիներուն քարկոծուիլը դրացիներէն :

Իուլամ կնոջ մը պէս խիստ նամենրամ կալ արգեւ-

ուած է իրեն պատուհանը անգամ երեւալ :

Ամէն գիշեր «Զիս կը խարես կոր» ի կոիւ մարդուն

հետ :

Գլխարկ մը՝ չորս տարին մէյմը կոիւով փոխուող,

ոքարբին մը՝ կրունկները ծեր կնկան մը բերնին պէս  
դէպի աչ ինկած, շրջազգեստ մը որ թերեւս Յ անգամ  
օրուան մօտային յարմարցուած է :

Մարդը գողի պէս տունէն կը մտնայ, գողի պէս  
գուրս կ'ելլէ :

Տանտէր, նպարավաճառ, մսավաճառ զինքը սիայն  
կը ճանչնան, մարդուն երեսը տեսած չըլլալով :

Կերակուրը, աւելը, մաքրուտուքը, լուացքը,  
կարկտանը, ամէն բան ինք պիտի ընէ տատէ :

Պարտքը, ամէն կողմէն դիզած :

— Կ'աղաչեմ քիչ մը գրամ ձգէիր այսօր :

— Նորէն մի սկսիր, աս աս է, աւելի չկայ :

— Հացագործը հաց չի ձգեր կոր :

— Սա գիշերնոցս տուր առաջ :

— Տանտէրը չորս անգամ մարդ զրկեց այսօր :

— Հասկցանք ըսինք, կերակուրը ո՞ւր է :

— Կաթիւ մը կազ չկայ թիթեղին մէջ :

— Լուսնի լուսով կ'ուտենք թէրասը, սա վիսկիին  
շեք բեր նայինք :

— Առջի իրիկուն հատաւ, պիտի բերէիր, ո՞ւր է :

— Ի՞նչ, հատա՞ւ մի, վայ, ըսել է շիտակ է եղեր  
կասկածներս, ցորէկը մարդ կ'առնես կոր, իմ փարա-  
յովս կ'ուտես կը խմես կոր :

Կոիւ, ծհծկըւուք, լաց, կոծ, փաթ, քիւթ, գու-  
ռը կը բացուի, գուռը կը կը գոցուի :

Մարդը կծիկը գրած է. գտիր հետքը եթէ կրնաս :  
Գոնէ խեղճ կինը եօթը ամսու չըլլար :





### ԱՄՈՒՍՆԱԾԱԼԷՆ...



ՈԱԶ. —

— Ո՞վ իմ աղուորս, եթերին մէջ  
թեւացող գեղեցկութեան անօսր ոգին  
ես գուն, որուն ի զուր խեղճ երեւա-  
կայութիւնս կը ջանայ մարմին տալ:

ԵՏՔ. —

— Կնիկ, քիչ մը անդին գնա, լէշի պէս վրաս մի  
իյնար, օգը տաք է արդէն:

ԱՌԱՋ. —

— Երազիս մէջ տեսայ Աստուած որ համրեց, համ-  
րեց երկինքի աստղերը և երկու հատը պակաս գտաւ,  
Դողացի վախէս քեզ մտածելով ո՞վ իմ աղուորս: Շո՛ւտ,  
փակէ այդ անմատն աչքերդ, չելլան Աստուածային աչ-  
քերը հանդիպին անոնց:

ԵՏՔ. —

— Ի՞նչ չէշ պէշ երեսս կը նայիս կոր աւանակի  
պէս, կնիկ:

ԱՌԱՋ. —

— Ո՞չ այդ սիրտդ գեղուհիս, տիրանալ անոր՝ յաղ-  
թանակը պիտի ըլլար տարուած եօթը մեծ թագաւո-  
րութեանց գէմ:

ԵՏՔ. —

— Աստուած կտօր մը սիրտ չէ՞ դրած սա կուրծ-  
քիդ տակ, պէ:

ԱՌԱՋ. —

— Ո՞վ իմ աղուորս, Աստուած պիտի տա՞յ մեզ ալ  
տեսնել այն օրը, ուր երկուքս գիրկընդխառն ծռած  
մեր սիրոյ պտուղին օրօրոցին վրայ, մեր համբոյրնե-  
րովը պիտի քնացնենք այդ հրեշտակը:

ԵՏՔ. —

— Սա փիճիդ ձայնը կտօրէ, չեմ կընար կոր աչքերս  
գոցել, ջեղերուս դպաւ ալ:

ԱՌԱՋ. —

— Եկո՛ւր աղուորս, թեւ թեւի թռինք քեզի հետ  
գէպի գաշտերը կանանչ ու անտառները ծառախիտ,  
և մեր սիրոյ մրմունջները խառնենք թռչուններու գեղ-  
գեղին և առուակին մրմունջին:

ԵՏՔ. —

— Վախնամ պապայիդ տունը ամէն տարի յուլիս  
ըսելուն օդափոխութիւնն կը վազէիր. դրամ չկայ այս  
տարի, տեղդ հանդարտ նստէ:

Առաջ. —

— Պիտի ուզէի ունենալ բոլոր հարստութիւնները աշխարհիս, ո՞վ իմ աղօւորս, սփռելու համար իմ սիրոյ թագուհիս սաքերուն տակ :

Եսքը. —

— Ամիս մը չեղաւ թայեէօռ քօսթիւմին երեք ոսկի ցնծալնիս, այսօր ալ գլխա՞րկ. մոխիրի վրայ նստելու միտք չունիմ, կնիկ :

Առաջ. —

— Տար Աստուած որ ժամ առաջ միացնէինք մեր սրտերը ո՞վ պաշտելիս, և մեր ընտանեկան դրախտին մէջ վայելէինք կեանքը՝ անհունօրէն երջանիկ :

Եսքը. —


— Աչքը քէօրնայ պատճառ եղողին, թռչունի պէս ազատ ամուրիութիւնս բերի այրեցի այս գժոխքին մէջ. առ քեզի կնիկ, առ քեզի կարգուիլ :

Առաջ. —

— Խօսէ, երգէ՛ հոգիս, թող ականջներս լեցուին այդ հրեշտակներու նուագով, և հոգիս հրճուի այդ մեղեղին թրթուումներովը :

Եսքը. —

— Ի սէր Աստծոյ կնիկ, գլուխս խազան դարձաւ, քիչ մըն ալ սուս եղիր նայինք :



## ԽՆՁԹԷՍ Կ'ՅԵԼԵԱՅ

(ԲՈՆ ՄԸ ՈՐ ՇԱՏ ԿԸ ՊԱՏՈՂԻ, ԲՈՅՑ ՔԻՉ ԿԸ ԼՈՌԻՒ)

ԱՌԱՋԻՆ ԹԱՊԼՈ

— Դո՞ւրս կ'ելաս կոր աղջիկս :

— Հա մամաս, Նուարդին պիտի երթամ:

— Խի՞նդ ես աղջիկ, այս տաքին մինչեւ Մաթարիէ կ'երթո՞ւի, կրակ կը թափի կոր գուրսը :

— Հա, բայց ինչ ընեմ, խօսք տուած եղայ մէյմը, փէշը անպատճառ լմնալու է այսօր, կիրակի վար պիտի իջնան եղեր :

Հայելիին դիմաց քօքէթ ժէսթ մը, մազի մէկ քանի թէլի յարգարում, զլխարկի շտկում, կուսական անրիծ ճակտին մայրական խանդակաթ համբոյր մը, ճըռ՝, դուռը կը բացուի և կը գոցուի :

Օրիորդը դուրս ելած է :

ԵՐԱԲՈՐԴ. ԹԱՊԼՈ

Աօլտ, հազիւ շ հոգի կայ ներսը, ձանձերը ապա-  
կեդարակներու վրայ կը բզզան, կառսօն մը աղուոր  
քո՞ն կը քաշէ: Օրիորդը պահ մը շուրջը կը նայի  
վախով, ներս կը մտնէ, պարոն մը կը յառաջանայ գըլ-  
խարկը ձեռքին:

— Վերջապէս եկար հոգիս:  
— Ա՛խ եթէ գիտնայիր ինչ քաշեցի:  
— Որքան չնորհակալ եմ:  
— Վախցայ որ մամաս բան մը կը կռահէ:  
— Սա անկիւնը քաշուի՞նք, թէ յեկուսի է և թէ  
զով, ի՞նչ պիտի առնեն:  
— Պաղպաղակ մը:

Հիմա նստած են գրեթէ ծունկ ծունկի, պարսնին  
քիթը օրիորդին քիթէն շ մատ հեռու է: Սեղանին  
տակ երկո՞ւ թէ չորս սուք կայ, կարելի չէ հասկնալ:  
կառսօնին քունէն օգտուելով պարոնը պեխուրը կը քոէ  
օրիորդին գէմքին: Պաղպաղակի գգալը պայխօների պէս  
զինք կը հրէ անդին:

— Կը գոնտի՞ս զիս, անգութ:  
Պարոնը երեսը կախ հեռու կ'երթայ քիչ մը:  
— Բայց չէ, ի՞նչո՞ւ ծուռ կը մեկնես խօսքերս:  
Պարոնը ուրախ աւելի կը մօտիկնայ:  
— Կը սիրե՞ս զիս:  
— Եթէ չսիրէի կռւգայի՞ միթէ, ապերախտ. հա-  
պա գո՞ւն:

— Խենդենալու աստիճան:  
Պարոնը փորձ մը եւս կ'ընէ:  
— Մեզ կը դիտեն կոր, տեսնողը ինչ կըսէ:

— Մեր ինչուն պէտք ուրիշները, չէ՞ որ մենք ի-  
րարու ենք:

Կառուօնը կ'արթննայ չտփէն, կարծելով որ զինք  
կը կանչեն, կը մօտենայ:

Երկու պաղպաղակ եւս:

Օրիորդը քրտինքներու մէջ է. փուարտ, գար-  
ուէն գնդիկներ կը շման գէմքին, պարսնին շրթները  
կը գողան և քունքերը կը զարնեն արագ:

Փըսը, փըսը, փըսը, փըսը:

— Կառք մը առնենք և սանկ քիչ մը երկննանք:

— Ահ չէ, ատ չըլլար, կը վախնամ:

— Ինչ, սիթէ վստահ չե՞ս սիրոյս, սիրոյս՝ որ հեռու  
բոլոր ստոր կիրքերէ պաշտումի կը հասնի:

— Չըլլար, տենող կ'ըլլայ:

— Կառքին բարօրը կ'իջեցնենք:

— Նորէն կը տեսնեն:

— Ամայի փողոցներէ կ'անցնինք,

— Զէ, չէ, չէ:

— Հըմ, ես գիտեմ արդէն, զիս չիս սիրեր բայց  
կ'ախորժիս այսպէս զիս տանջելով, բարեբախտաբար  
վախճանս մօտ է, և չուտ պիտի հասնիս նպատակիդ:

— Ու՞ֆ, մի ըսեր ալդ խօսքերը, կը տեսնես որ  
գէշ կ'ըլլամ:

Պարոնը կը լոէ, մատովը աչքին ծայրը կը որբէ,  
կամ աւելի ես աչքը կը խթէ որ կաթիլ մը արցունք  
գայ. օրիորդին մատը և թաշկինակը աչքերուն կը  
քուուին. յուզուած է, կը հաւանի: Կ'ելլեն, պարոնը կը  
վճարէ, կը մեկնին:

Օրիորդը գիծէ ելած է:

ԵՐՈՐԴԻ ԹԱՊԼՈ

Հիմա կառքը կը սուրայ կէզիրէի լայն ծառուղին,  
օրիորդին ձեռքերը պարոնին ձեռքերուն մէջ քրախնք  
խաշ կ'ըլլան, համբոյները աղատօրէն կը փոխանակ-  
ուին, տեսարանը հմայիչ է եւ բանաստեղծական, ծառ,  
կանանչութիւն, թռչուններ, Նեղոս, նաւակներ, կա-  
մուրջ, վիլաներ, կառքը կը թաւալի հեղիկ և ցնցում-  
ներէն պիշխմսիզ շարժումներ տեղի կ'ունենան:

Գասր-էլ-Նիլ թերասը տարածուած, զգլիսիչ բանօ-  
րաման, պաղ պաղ պիրս, մէկ գաւաթ, երկու գաւաթ,  
երեք գաւաթ, կառսօնին քառորդ մը նուէր և կառա-  
պանին չորս հինգ սամսոն ասիի:

— Աստուած ...

— Հոգիս ...

— Ա՛խ ...

— Ո՞հ ...

— Երդուընցիր, երդուընցիր որ ինձմէ զատ ուրիշը  
չպիտի սիրես :

— Կուրնան այս աչքերը եթէ համարձակին ուրիշ  
կնոջ մը նայիլ :

Սուլու պաչիկ մը կը գոցէ այդ աչքերը, կառքը  
կրկին կը թաւալի, այս անգամ գէպի Բօտ. էլ. Ֆարագ,  
նորէն խմելիք, նորէն ա՛խ, ո՛հեր :

Օրիորդը ինեղինեկն ելած է:

ՉՈՐՐՈՐԴԻ ԹԱՊԼՈ

Աղտոտ փողոցի մը վրայ նայող աղտոտ սենեակ  
մը, կոկիկ երկաթէ անկողին մը, քանարէ մը, երկու  
աթոռ, մէջտեղը սեղան մը:

— Ո՞ւր կըգտնուիմ արդեօք :

— Վատահ եղիր տատրակս, մի վախնար, ես քովդ  
եմ, շա՞փ ...

— Մի մօտենար ինծի, երթանք ասկէ, գլուխա  
գէշ կը դառնայ կոր :

— Սիրոյ յուզումն է ատ հոգիս, մի վախնար, եթէ  
գիտնայիր որքան երջանիկ եմ :

— Բայց, այս ըրածնիս գէշ բան է, ո՞հ կը սոս-  
կամ, հեռանանք :

— Բայց վախու բան չկայ, միթէ չերդուընցա՞յ,  
ի՞նչ, կը կասկածի՞ս միթէ :

— Զէ, բայց մի մօտենար, չէ գէշ բան է, գէշ բան  
է, չեմ ուզեր, հեռացիր ...

Ժամը ութն է, խոր լոռութիւն և գորչ մթութիւն  
կը տիրէ, աճապարանքով հագուիլ, յանցանքի մէջ  
բռնուած տղոց պէս : Կառք, թռամկէյ, բաժանում :

— Աս ՞ւր մնացիր, աղջի՞կս :

— Թրէնը փախցուցի մամա :

— Որչափ յոգներ ես, տես գոյնդ նետեր է :

— Երթամ հանուիմ, հանգչիմ քիչ մը, ախորժակ  
չունիմ, բան չպիտի ուտեմ :

Աղջկան համեստ սենեակ մը, անկողնի վրայ իյ-  
նալ, հեծկլտուքը բարձին մէջ խեղդել :

Օրիորդը զլիս ելած է:

ՀԻՆԳԵՐՈՐԴԻ ԹԱՊԼՈ

Վեց ամիս անցած է, պարոնը գործով ուրիշ տեղ  
մեկնած, նամակները, որ ցանցառ էին, բնաւ չեն գար  
այլեւս, ոչ մէկ լուր : Օրիորդը մոմ դարձած է, ոչ

քուն, ոչ ախորժակ, համակ ջիղ։ Պատահմամբ օրաթերթի մը մէկ թիւը, երրորդ էջին գլուխը՝ «Պարոն Ա. Գ. եան եւ օրիորդ Հ. Գ. եան ամուսնացեալ»

Բրա՞ֆ, օրիորդը մարմրելով գետին կ'իյնայ գետնէն անկողին, երկու ամիս գեղ, բժիշկ, նուսխայ, Փարատեա, Խաչհանգիստ, անօգուտ։

Գարնան աղուոր առաւօտ մը, թռչունները կ'երգեն, օրիորդին սենեակին պատուհանը բաց, ուրկէ արեւը ներս է լեցուած։ Օրիորդը կէս մը կը շտկուի անկողին մէջ, մայրը հոն չէ, միս մինակ է։ Մազերը կը շտկէ, աչքերը կը յառէ հեռուն, հեռուն ծառերու խիտ կանանչութեան մէջ։ Թեթեւ հազ մը, յետոյ նոպայ մը, կարմիր երիզ մը բերնին ծայրը, անլոելի բառ մը շրթներէն, թեթեւ բաղխում մը օդին մէջ, օրիորդին գլուխը կ'իյնայ բարձին վրայ։

Օրիորդը ձեռքի ելած է։



## ԱՆՈՒՅ ՈՐ Կ'ՈՒՋԵԵՆ ՄԻՐԵԼ

(Քաղուած՝ Հեղինակին «Սէր-ԱլՊօՄ» անիպ գործեն)

Փորձառութիւնը սիրոյ մէջ խոր է,  
Մարդը կը չինէ, կետնքը կը փորէ,  
Նըման ծովագին ալքերուն խոչոր,  
Որոնք՝ կրծելով ձեւ կուտան անոր։

Սիրոյ մէջ շատ մի՛ պաղատիր,  
Աստուած կ'ըլլայ աննըկուն,  
Սիրոյ մէջ շատ մի՛ ատեր,  
Սողուն կ'ըլլայ գալարուն։

Սիրոյ շրջանը երիտասարդին,  
Կը նըմանցընին շատեր գարունի,  
Բայց երբ կարմիրը կը տեսնին այտին՝  
Զին ըսեր. — «Խեղճին սի՞րոը կ'արիւնի»։

Աղջիկ կը հ՞րբ մը մոռնայ,  
Երբ հին մը կը նորնայ.  
Տզայ մը հ՞րբ կը մոռնայ,  
Երբ որ նոր մը կը հիննայ։

Ամէնէն տգեղ իսկ կնոջ մը քով  
«Կը բանուիմ»ի մօտեցէք վախով,  
Զի մենք այրերըս ձուկերու պէս ենք,  
Ոչ թէ ձինորսն այլ խայծը կը տեսնինք։

Կը գագրիկ գուք հաճելի  
Ըլլալէ այն տիկինի՝  
Որ կը տեսնէ ձեզի մօտ  
Մարմաջ մըլլալ խոչընդուա  
Եր հաճելի ըլլալուն  
Շուրջի միւս այրերուն։

Մարաւի՞ ես, գաւաթ մը ջուր կը բաւէ .  
Անօթի՞ ես, պատառ մը հացն իսկ լաւ է .  
Սիրահա՞ր ես, ոչ մէկ աղջիկ կամ խորհուրդ,  
Սիրածէդ զատ՝ կրնան սրտիդ տալ յադուրդ :

Սիրոյ թշնամին վեհ ուժն է կամքի ,  
Որը միշտ սակայն սէրէն կը սպաննուի ,  
Մէջը մեր թափած յորդ արտասուքին :

Ճաշերէն առաջ գաւաթ մը օղին  
Ախորժակ կուտայ ճաշը ուտողին .  
Ամուսնութենէն առաջ Փլիրթն ալ՝  
Ետքի անհամին կրնայ համ մը տալ :

Սիրեցէք կինը լուրջ և առնօրէն  
Որ իր պատրանքը կրէք սառնօրէն ,  
Ի՞նչ օգուտ սիրել կինը՝ կնկան պէս ,  
Երբ վերջը ճըշել , լալ կայ մանկան պէս :

Աղքատ մարդիկ զգոյշ ըլլան  
Սէր տանելէ աղջիկներուն ,  
Զի մէջն իսկ էն խեղճ աղջըկան  
Կոմուհի մը կայ եղած քուն ,  
Որ կ'արթնայ օր մ'ուժգնօրէն  
Շփանալով վայլած սէրէն :

Սէրը յաճախ կը ծնի  
Նայուածքէ մը լուռ , գաղտնի ,  
Եւ յաճախ ալ կ'ըլլայ յուշ՝  
Թռած բառէ մանըզոյշ :

Նախապէս խարուած կնոջ մը երբէք  
Սիրահար ըլլալ մի փորձէք , մեղք էք .  
Որքան զինք պաշտէք , այնպայման նորէն՝  
Հինին վրէժը կը լուծէ նորէն :

Յագուրդ տուէք միշտ ձեր սիրած կնկան  
Քմայքներուն որ , փոքր են , աննըշան .  
Զէք գիտեր կնոջ դերը մէջ կեանքին ,  
Կը մեծցլնեն այն՝ որ փոքր է ինքնին :

Սիրոյ համարձակ քայլը առաջին ,  
Փոշիի պէս է , ուրկէ ամէն կին  
Կուրցած , շփոթած կ'ինայ ձեր գիրկին :

Սիրող սիրտն է բծախնդիր չափազանց ,  
Ուստի լաւ է , երբ տեսնելը ընէք զանց  
Ձեր սիրածին ամէն ըրածն ու թողած :

Սիրահարը մենութեան մէջ  
Կը տանջուի չարաչար .  
Սիրահարը բազմութեան մէջ  
Զանձրոյթ կը զգայ անպատճառ :

Սիրահար մը չուզեր հաւտալ բնաւին  
Որ սիրածը կրնայ ըլլալ ուրիշին ,  
Վասնզի ինք համոզուած է անկասկած .  
Որ ուրիշ մը զայն իրեն չափ չէ սիրած :

Կնոջ մազին մէկ թէլին  
Կուտաք կեանքէն աւելիին ,  
Սակայն , կեանքին ձեր փոխան  
Թէլ մը մազն իսկ կուտայ ան :

Այրերը վրէժ երբ լուծել ուզեն ,  
Ուրիշ կնոջ մը սիրտը կը խուզեն ,  
Բայց կիները որ մեզմէ վարպետ են ,  
Վրէժի պահուն մեզ սիրել գիտեն :

Կին մը ձգելու համար ապահով  
Վարկեանն է գիտեք , երբ սիրտն է խոսվ .  
Վարպէտ ձկնորսը չէ որ հեշտօրէն  
Պղտոր ջուրին մէջ կ'որսայ ձուկն իրեն :

Էրիկ մարդիկ կը տառապին  
Զեռք անցընեն մինչեւ մէկ կին .  
Կը տառապին կիներ սակայն  
Անցընելէ ետքը ձեռք զայն :

Ամէն « եկուր » ըսող կնկան  
Զըլլայ բոնիս գուռին ճամբան .  
« Եկուր » էն ետք « զնա » մալ կայ ,  
Որ քու տեղըդ ուրիշ մը գայ :

Առաջին կինը՝ մարդը կը խարէ ,  
Երկրորդ կինը՝ զայն քունէն կը սթափէ ,  
Երրորդն երջանիկ որ կ'ընէ , բարէ ,  
Զայն ալ մարդն է որ կ'հլւէ կը խարէ :

Կուզե՞ս օձիքդ ազատել  
Կնոջմէ մը անարգել .  
Զնջին բան մը խոստացիր ,  
Մի՛ կատարեր , վազ անցիր :

Կինն ու գրամ են նըման  
Մետաղ յարդի և ազնիւ ,  
Երբ աւրուին՝ կը գառնան ,  
Փոքրարժէք , բայց բազմաթիւ :

Զես յաջողիր խօսելով շատ  
Կնոջ մը քով թերահաւատ ,  
Կը ծաղրէ քեզ , բայց կ'ախորժի ,  
Երբ լեզուիդ հետ մատու ալ շարժի :

Ամուրիին ժէսթերն յիմար  
Սիրոյ հունտեր են անհամար  
Խելացութեան , զոր ան մէկ օր  
Պիտի քաղէ , կարգուի երբոր :



1644

«Սինեմա-Կետի» առաջին մասը՝ «Ամուրիներ»ու բաժինը, այսքանով միայն կ'ամբողջացնենք. թէպէսեւ՝ ամուրիներու կետին ուրիշ բազմարի դրուազներ ունենին, սակայն սպառանաւու Պերպէրեանի նետ նախապես մեր ունեցած անհաւիլ համաձայնուրիւնը սփառեց մեզ ։

Մեր տամագրուրեան տակ եղած «Ամուրիներ» ու ֆիլմը այնքան երկար է որ, եթէ հարկ ըլլայ, երեք ամիս տարունակաբար ամեն զիշե՞ւ՝ մեր ընթեցողներուն կըրնային հանելի ժամանցներ մատակարաւել. ուստի ոչ Ֆիլմերնիս պակսեցաւ, ոչ մեքենանիս խանգարուեցաւ, ոչ լրյանենիս սպառեցաւ եւ ոչ ալ թեւերնիս յոգնեցաւ անիւը դարձնելով. այլ սփառուեցանի հետեւիլ ֆիչ մը Պերպէրեանի հաւուախլուրեան զիւտինին, եւ ֆիչ մ'ալ ուրիշ սինեմաներու տօրինուրեանց՝ որոնի երեք ժամեւն աւելի սեանցներ չեն վայելել առ իւենց հանդիսանաներուն, փոխան ճ դրէ. մուտի:

Մեր երկրորդ մասը՝ «Եւսնած» ները, ֆիչ օրեն լրյա պիտի տեսնե. Ֆիլմերը պատրաս են արգեն, եւ փորձերը փուրոյ պիտուրեամբ առաջ կը տառուին:

«Եւսնած»ներու մասին մեջ Sensationnel դեպքեր շատ ու շատ պիտի ցուցագրուին: Նոյն իսկ Դամիրէի, Ազետասնդրիոյ եւ զիւլերու մեջ պատրած իրական հայ կետին դեպքեր պիտի ներկայացնուին: «Եւսնած»ներու բաժնին մեջ պիտի երեւնան ապրող դեմքերու կետին առներած դրուազներ որոնի սակայն փոյք չե՛ թէ այսօր ամուսնացած եւ զաւակներու Տէր ըլլան:

ԳԻՆ 5 ՀՐՇ. ՈՂԶ

2013

